

समां - 12:25 hrs.

<><><><><><>

New Year Greetings

पूरे मुल्खै च नमें बरे दा जश्न बड़े उत्साह कन्नै मनाया गया। राष्ट्रपति द्रौपदी मुर्मू ते प्रधानमंत्री नरेन्द्र मोदी होरें देशवासियें गी नमें बरे दियां शुभकामनां दितियां न। जम्मू-कश्मीर च बी नमें बरे दा जश्न बड़े जोश कन्नै मनाया गया। उपराज्यपाल मनोज सिन्हा- मुखमंत्री उमर अब्दुल्ला- उपमुखमंत्री सुरिंदर चौधरी ते मंत्री स्कीना इतू ते सतीश शर्मा होरें जम्मू-कश्मीर दे लोके गी नमें बरे दियां मुबारकां दितियां न। उप-राज्यपाल मनोज सिन्हा होरें अपने इक संदेश च जम्मू-कश्मीर दे सारे बसनीकें गी नमें बरे दी शुभकामनां ते मबारकबाद दिती ऐ। उनें आखेया जे नमां बरा सारे दे जीवन च नमें मौके ते नमीं मेद लेई आए। मुखमंत्री उमर अब्दुल्ला होरें बी जम्मू-कश्मीर दे लोकें गी नमें बरे दियां मबारकां दितियां न ते इस बरे च शांति समृद्धि ते नरोई सेहत दी कामना कीती ऐ। उपमुखमंत्री सुरिंदर चौधरी- मंत्री स्कीना इतू ते सतीश शर्मा होरें बी सारें गी नमें बरे दी मबारकबाद दिती ते सुख- शांति दी कामना कीती।

<><><><><><>

Central Allocation

जम्मू-कश्मीर दे यू.टी लेई इक बड़ी राहत दी गल्ल- केन्द्र सरकार नै गृह मंत्रालय दी सफारशें उप्पर क्षति ग्रस्त सार्वजनिक बुनियादी ढांचे दे पुननिर्माण ते यू.टी दे प्रभावत

जिले च आपदा थमां बचाव लेई उपायें गी लागू करने लेई इक जहार 430 करोड़ रुपें शा मते दे व्यापक आबंटन गी मजूरी देई दिती ऐ। एह मते महत्वै आहली विकास दी गल्ल मुख सचिव अटल डुल्लु हुंदी अध्यक्षता च इक उच्च स्तरीय समीक्षा बैठक दौरान सामने आई। इस बैठक च सब्बनें प्रशासनिक सचिवें हिस्सा लैता हा। एह बैठक पूंजी निवेश लेई राज्यें गी विशेष मदद (SASCI) ते SNA SPARSH जनेह मुख सुधारें आहली माली पैहलकदमी दी प्रगति दा आकलन करने लेई सददी गई ही।

<><><><><><>

Crime Report -JMU

जम्मू जिले च 2025 दौरान व्यापक सुरक्षा ते अपराधें पर काबू रखने लेई केंई उपास कीते गेदे न- जिंदे तैहत पुलसै 541 तुपाई अभियान चलाए न। एहदे इलावा इक जहार 93 लम्मी अवधि ते बड्डे इलाके तोड़ी गश्त लाने आहले अभियान बी चलाए गे। बरे दे खीरले रोज अपराधें बारे अपराध ते सुरक्षा विश्लेषण पेश करदे होई एस.एस.पी. जम्मू जोगिन्दर सिंह होरें दस्सेया जे इस बरे कुल 4 जहार 134 FIRआं दर्ज कीतियां गेइयां जेहड़ी जे पिछले 5एं बरे च सब्बनें शा घट्ट गिनतरी ऐ।

<><><><><><>

Crime Report Kathua

2025 बरे च इक बड्डी उपलब्धि च कठुआ पुलसै- आतंकी संगठनें कोला बाहर रेहियै कम्म करने आहले 39 ओवर ग्राउंड वर्करें दी पंछान कीती ते 18 खलाफ जन सुरक्षा कनून

तैहत मामला दर्ज कीता ऐ। एस.एस.पी कठुआ मोहिता शर्मा होरें बरे दे खीरले रोज कल अपराधें पर इक रिपोर्ट पेश करदे होई मीडिया गी जानकारी दिती जे 2025 च जिले अंदर आतंकवाद सरबंधि 4 मामले दर्ज कीते गे- 7 जनें गी गिरफ्तार कीता गया ते 2 आतंकवादियें दा सफाया कीता गया।

<><><><><><>

Pilgrims Rush SMVD

2025 बरे दे अखीरले ध्याड़े कल श्री माता वैश्वो देवी तीर्थ स्थान पर श्रद्धालुएं दा बड़ा भारी रश दिक्खेआ गया जेहड़ा अज्ज बी जारी ऐ। मुख्य भरै थमां जहारां बद्दे श्रद्धालु नमें बरे दे मौके पर माता रानी दा शीरवाद हासल करने लेई उत्थे पुज्जे दे न। प्रशासन नै यात्रा रस्ते ते भवन पर बी सुरक्षा ते यात्रिएं दी बवस्थित आओजाई यकीनी बनाने आस्तै सब्बै लोड़चदे बंदोबस्त यकीनी बनाए दे न। सभनें महत्वपूर्ण थाहरें पर सुरक्षाबलें, मेडिकल टीमें ते भीड़ दे प्रबंधन आहले अमले दी तैनाती कीती गेदी ऐ। एहदे अलावा पुलिस ते सिविल प्रशासन दे वरिष्ठ अधिकारी पिच्छले किश दिन थमां गै सी.सी.टी.वी कैमरें दे राएं हालात दी लगातार निगरानी करा करदे न। भारी रश दे बावजूद श्री माता वैश्वो देवी जी दी जातरा बवस्थित ढंगै सिर जारी ऐ। अजें कि कल रातीं मता रश होई जाने पर यात्रा गी किश चिरै लेई रोकना बी पेया हा ते पर्जी काउंटर बी बंद करने पे हे। खीरी जानकारी थोने तगर यात्रा पूरी चाल्ली रमानदारी ते बवस्था आहले ढंगै सिर चलै करदी ही।



Year Ender Reform

कल खत्म होए दे बरे 2025 गी भारत च राष्ट्रीय सुरक्षा गी लेइयै फैसलाकुन ते निगगर रौं अपनाने दे बरे दे रुपै च चेता रखेया जाहग। प्रधानमंत्री नरेन्द्र मोदी हुंदे नेतृत्व च देश ते देशवासियें दी सलामती ते सुरक्षा गी सब्बने शा मती तरजीह दिती गेदी ऐ ते भारतवासियें पर कुसै बी हमले पर हून पैहले आंगर संयम बरतने आहला रौं कदे नैई अपनाया जाहग। सगुआं ऐसी स्थिति च भारत हून तौले तुरत ते तगड़ेयाई कन्नै परता दिंदा ऐ। प्रधानमंत्री नरेन्द्र मोदी होरें आतंकवाद गी लेइयै भारत दे इस रमै गी फाइव-न्यू नार्मल यानी उनें 5 नियमें च शाल कीता ऐ जेहड़े भारत दे सामान्य स्वभाव दा हिस्सा बनी गेदे न। इनें सिद्धांते च पैहला कुसै बी आतंकी हमले दा पूरी तगड़ेयाई कन्नै परता देना- दूआ परमाणु ताकत दा रौब दस्सियै दिती जाने आहली कुसै धमकी गी बरदाश्त नैई करना- यानि कुसै परमाणु ताकत मुख्य च बी- भारत आतंकी ठकाने पर हमला करने शा पिच्छे नैई रौहग।



JMC Garbage Challenge

जम्मू नगर-निगम नै शैहर गी साफ-सुथरा ते होर शैल बनाने लेई 24 घंटें दी Garbage Hotspot Challenge शुरु कीता ऐ। लोक हून कूड़े दे ढेर गी दिक्खदे गै उसदी फोटो खिच्ची सकदे न ते JMC गी रिपोर्ट करी सकदे न। अधिकारियें 24 घंटें दे अंदर-अंदर रिपोर्ट कीती

गेदी थाहर गी साफ करोआने दा वादा कीता ऐ। इस पैहलकदमी दा मकसद जम्मू गी स्वच्छ-साफ-सुथरा रखने च नागरिकें गी बी शामिल करना ऐ। एह रिपोर्ट तुस JMC App दे राएं QR Code दे राएं जां हैल्पलाईन नम्बर -1800-180-7207 उप्पर कॉल करियै करी सकदे ओ।

<><><><><><>